



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1525. usque ad annum 1529

**Fleury, Claude**

**August. Vind. [u.a.], 1769**

**VD18 90118480**

§. 63. Idem Cultus Basileæ abolitus.

---

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

quidem tam fatalem nuncium non sine Sæcul. XVI.  
A.C. 1529.  
ingenti animi sui mærore percepit, fidei  
tamen hostibus nonnisi Christianæ pa-  
tientiaæ scutum opponere poterat; quip-  
pe apud Argentinenses Wolfgangi Ca-  
pitonis & Martini Bucerii, qui hujus de-  
creti Auctores erant, sententia præva-  
lebat.

## §. LXIII.

*Idem cultus Basileæ abolitus.*

Sub idem ferme tempus Missæ Sacrifi-  
cium itidem Basileæ abrogatum fuit,  
id petentibus quibusdam civibus. Hi  
enim, cum Senatus eorum votis cede-  
re renueret, die octava Februarii in Ec-  
clesia Franciscanorum congregati publi-  
ca urbis loca occuparunt, eo fine, ut Se-  
natores Catholicæ fidei addictos ad ab-  
dicandum Magistratus honorem com-  
pellerent. His vero obluctantibus se-  
ditiosi ad arma convolant, Sanctorum  
Imagines ac Statuas dejiciunt, easque  
comburunt, postea Senatum adigunt, *Sleid. l. cit.*  
ut duodecim Consiliarios Catholicos,  
quos inter Henricus Meltingerus, &  
Lucas Zieglerus erant, sua dignitate  
exuerent; nec his contenti decretum  
promulgari jubent, quo per totam eo-  
rum ditionem Missæ Sacrificium, cul-  
tusque sacrarum Imaginum aboleretur.  
Hoc decretum die duodecima Februarii

Sæcul. XVI. A.C 1529. Senatus ex ducentis sexaginta Viris compositus ratum habebat. Ejusmodi igitur agendi ratio Ferdinandum adigebat, ut urbium Imperialium Deputatis hanc petulantiam in Comitibus Spirensibus exprobraret.

## §. LXIV.

*Edictum Spirensibus in Comitibus promulgatum.*

Præterea inter Principes Spiræ congregatos diu acriterque de restauranda Wormatiensis edicti auctoritate ultro citroque disceptabatur, ac præprijis Ferdinandus illud omnino executioni mandandum contendebat, hancque ob rem a comitiis Argentinensem Deputatum nomine Daniele Miegum excludi jubebat. Equidem ceteræ urbes, quas itidem hæc agendi ratio spectabat, pro illo deprecabantur, simulque postulabant, ut servata Imperii consuetudine Deputati in jurium suorum usu minime turbarentur, donec lis in libera juxta ac legitima Synodo dirimeretur; quinimo minari audebant, quod nulla prorsus subsidia pro bello Turcico suppeditare velint, nisi eorum postulatis mos geratur. Verum omnes eorum minæ precesque in irritum cecidere, nec ultra  
Argen-